

'Langkah diambil BNM tepati keadaan semasa'



Penurunan memanfaatkan rakyat apabila kos pinjaman akan menjadi lebih murah.

Irwan Shah Zainal Abidin,
Ketua Unit Penyelidikan Risiko
Ekonomi dan Politik UUM

Penurunan kadar dasar semalaman (OPR) 0.50 peratus kepada 2 peratus adalah tepat pada masanya dan sudah dijangka oleh pasaran, kata penganalisis ekonomi.

Ketua Unit Penyelidikan Risiko Ekonomi dan Politik Universiti Utara Malaysia (UUM), Prof Madya Dr Irwan Shah Zainal Abidin, berkata penurunan akan memanfaatkan rakyat apabila kos pinjaman akan menjadi lebih murah dan keupayaan untuk meminjam juga akan meningkat.

Beliau berkata, ini penting sebagai pelengkap kepada segala insentif yang diberikan kepada mereka, terutama golongan B40 dan M40 dalam Pakej Rangsangan Ekonomi Prihatin Rakyat (PRIHATIN) dan fasa Perintah Kawalan Pergerakan (PKP) serta Perintah Kawalan Pergerakan Bersyarat (PKPB).

"Pengurangan OPR akan

merangsang pertumbuhan ekonomi supaya kemelesetan dan kadar pengangguran tidak seteruk yang dijangka.

"Apabila ekonomi tumbuh, ini memberi faedah kepada rakyat dengan kewujudan peluang pekerjaan baharu, pekerjaan asal tidak dikurangkan, upah dapat meningkat dan pada masa yang sama upah sedia ada tidak dikurangkan," katanya kepada *BH*.

Pensyarah Kanan Sekolah Perniagaan dan Ekonomi Universiti Putra Malaysia (UPM), Prof Madya Dr Mohd Yusof Saari, pula berpandangan BNM menggunakan OPR sebagai salah satu alat kawalan dasar kewangan untuk mengawal kedudukan ekonomi negara.

Beliau berkata, secara prinsipnya, OPR akan dinaikkan ketika ekonomi berkembang dengan baik bagi mengawal inflasi.

Katanya, dalam situasi eko-

nomi suram seperti sekarang, OPR dapat memainkan peranan sangat besar, khususnya untuk ekonomi rakyat.

"Justeru, orang ramai akan cenderung untuk memegang tunai di tangan. Kedua-dua situasi ini dijangka membantu ekonomi melalui perbelanjaan isi rumah kerana apabila OPR berkurangan, tunai di tangan akan meningkat.

Langkah BNM menurunkan kadar OPR sangat bertepatan dalam keadaan ekonomi pada ketika ini.

Mohd Yusof Saari,
Pensyarah Kanan Sekolah
Perniagaan dan Ekonomi UPM

"Apabila tunai di tangan meningkat, ini meningkatkan perbelanjaan isi rumah. Langkah BNM menurunkan kadar OPR sangat bertepatan dalam keadaan ekonomi pada ketika ini," katanya.

